



# PREZIDÊNCIA KONSELLU MINISTRUS

V GOVERNUN KONSTITUSIONÁL

DÍLI, LORON 21 FULAN NOVEMBRU TINAN 2013

## KOMUNIKADU IMPRENSA

### **Toleránsia Pontu iha loron 29 fulan-Novembru tinan 2013**

Governu Konstitusionál V Repúblika Demokrátika Timor-Leste decide ona atu fó toleránsia pontu iha loron 29 fulan-Novembru tinan 2013, durante loron-tomak, ba funsionáriu no ajente hosi Ministériu ka servisu dependente sira, nomós ba institutu no organizmu sira ne'ebé integra iha administrasaun indireta Estadu nian.

Desizaun ida ne'e foti tuir Lei n.º 10/2005, loron 10 fulan-Agostu, ne'ebé determina kona-ba loron sira feriadu nasional nian, loron ofisiál komemorativa no toleránsia pontu sira.

Loron 28 fulan-Novembru, loron Proklamasau Independénsia Timor-Leste nian, nu'udar loron ofisiál komemorativa ne'ebé define ninia loron loloos ona. Haree katak, serimónia komemorasau Proklamasau Independénsia Timor-Leste nian, tinan ida ne'e, sei hala'o iha Kraras, distritu Viqueque, nune'e, Governu decide ona atu fó toleránsia pontu iha loron 29 fulan-Novembru tinan 2013, iha loron-sesta, atu sidadaun sira bele partisipa iha eventu ne'e.



Palácio do Governo,  
Avenida Presidente Nicolau Lobato,  
Dili, Timor-Leste

[pcm.gov.tl@gmail.com](mailto:pcm.gov.tl@gmail.com)  
(+670) 33 310 608